

并及大衆天人阿脩羅乾闥婆摩睺羅伽等
聞佛所說歡喜奉行

東方最勝燈王如來助護持世間神呪經
如來方便善巧呪經

隋北天竺三藏法師闍那崛多譯

如是我聞一時婆伽婆在雞羅娑山頂諸天
所居仙人住處與大比丘衆五百人俱復有
五百諸大菩薩摩訶薩衆俱其名曰彌勒菩

薩虛空藏菩薩普賢菩薩無邊華菩薩普華
菩薩等此諸菩薩皆悉住於一生補處紹尊
位者爾時世尊於彼林中與諸大衆前後圍
繞時一比丘爲鬼所持形體裸露不自覺知
舉手叫喚言語麤獷更一比丘著邪背佛在
虛空中嗚呼出聲不得自在時虛空藏菩薩
見聞是已即從座起偏袒右肩右膝著地合
掌向佛白言世尊是虛空中作是聲者誰之
所爲復何因緣此一比丘形體裸露舉手唱
叫爾時世尊告虛空藏菩薩摩訶薩言善男

子是一比丘惡鬼所捉復一比丘著於邪魅
時虛空藏菩薩白佛言世尊如來今日憐愍
一切諸衆生故除滅一切諸痛苦故應說神
呪爾時世尊以神通力令虛空中有六如來
忽然而現各各說呪一名毗婆尸佛二名尸
棄佛三名毗舍浮佛四名拘婁孫佛五名拘
那含牟尼佛六名迦葉佛
時毗婆尸佛住在虛空爲護一切諸衆生故
除滅一切惡邪鬼故而說呪曰
南無佛陀耶一南無達摩耶二南無僧伽耶

同四

二十

三庵四呵羅呵羅五醯隸醯隸醯羅耶六南
莫結隸結羅耶七闍健模柘那耶八南無那
摩九蘇婆訶十
爾時毗婆尸佛說是呪已告虛空藏菩薩言
善男子若清信士及清信女有能受持讀誦
於是陀羅尼者一切刀杖不能加損一切水
火所不能害非人惡鬼不能侵惱終不橫死
若中毒藥變成美食易消無病若欲食時先
取一匙七遍呪之然後乃食能除一切呪詛
厭魅一切諸病皆得除愈壽命延長耳所聞

事憶持不忘於睡眠中夢見諸佛若復有人
被厭魅者於其耳邊誦呪七遍是人聞已即
便除愈若復有人著於癩病及白癩者應以
蘇摩那華熏胡麻爲油取青木香青蓮華苗
香草麥門冬皆悉等分令使作末和油煎之
呪一百八遍塗其身上即便除愈一切諸病
皆能破之

爾時尸棄佛住在虛空爲護一切衆生除一
切病斷一切鬼邪故說是神呪

南無佛陀耶 南無達摩耶 南無僧伽耶

三南無尸棄泥多他伽多耶 四唵 五蓋柘蓋
柘六波柘耶 七薩婆薩多男 八闍大邏耶 九
蓋囉毗甜 十蘇婆訶 十一
爾時尸棄如來說是呪已告虛空藏菩薩言
善男子是陀羅尼無量百千億那由他諸佛
所說我今亦說爲欲憐愍一切衆生除一切
病却一切鬼及諸惡夢枉橫死等虛空藏若
善男子及善女人有能晝夜憶念誦持是神
呪者終不爲於惡病所惱及諸惡人之所厭
魅於睡眠中夢見諸佛若捨身時得值彼佛

於其佛所剋獲道證虛空藏是陀羅尼威力
無量我今爲汝更略說之若有善男子善女
人欲斷一切病當取五色縷結其咒索若有
疫病取蘇摩那華油呪一百八遍塗其身上
即得除愈若護自身令安隱者呪水一百八
遍散於四方結其界場取五色縷結咒索帶
行小兒著邪者取青色縷結爲咒索若值惡
邪之所燒亂悶無省者於其耳邊誦是陀羅
尼乃至七遍即得除愈如是等一切事中隨
意所用

爾時毗舍浮佛住在虛空爲護一切除諸衆
生一切病苦斷一切惡鬼故說是陀羅尼
南無佛陀耶一南無達摩耶二南無僧伽耶
三南無毗舍浮誓多他伽多耶四唵五迦羅
迦羅迦羅六居路居路七居盧毖大男八居
嚧薩婆伽羅呵九蘇婆呵十
爾時毗舍浮佛說是呪已告虛空藏菩薩言
善男子是陀羅尼賢劫之中所有諸佛及三
世諸佛皆悉說之我今亦說虛空藏汝應護
持若有善男子善女人受持讀誦是陀羅尼

一切刀杖所不能害一切惡毒亦不能傷諸
瘡熱病皆得遠離水不能漂火不能燒終不
橫死一切惡病亦不能侵惟除宿業定報若
有比丘比丘尼優婆塞優婆夷於晨朝時應
淨洗浴著淨潔衣在佛像前燒好妙香誦持
是呪足一百八遍一切厭魅呪詛等事悉不
能害一切病苦皆能遠離捨除諸障壽命延
長所有錢財什物隨心所樂莫不稱遂若有
惡人惡賊縣官帝主先意慰喻一切衆生無
不同意若有恐怖聞諍縣官所對者取白色

纓誦呪一百八遍結呪索帶行者於諸事中
皆悉得勝若欲長壽者取酪蜜稻穀華和之
以匙抄呪一遍擲火中乃至一千八遍即便
如意若欲除自他諸障念一切錢財珍寶等
離一切惡成就一切工巧受持一切呪降諸
怨敵者取槐香四四草香米尸利沙華多伽羅香
石上華恭居摩香香附子帝釋手草香樹枝
出白汁者取等分作末和之呪一千八遍塗
身上即得如意若欲見縣官大臣等取樹枝
出白汁者然火呪胡麻一撮呪一遍擲著火

中燒之乃至一千八遍即得如意若欲治毒藥者於佛像前用泥塗地取紫剛木枝長二寸截一百八枚內藥蜜中一一稱彼人名字擲著火中呪之即得如意若欲除一切惡鬼者取燒死屍殘火頭一百八枝各呪一遍擲火中燒之即便除愈如是等一切處中用悉皆得唯除損害衆生身命爾時拘婁孫佛住在虛空爲護一切衆生除一切病斷一切惡及鬼魅故說是呪曰南無佛陀耶一南無達摩耶二南無僧伽耶

三那莫迦囉脚村大耶^四多他伽多耶^五阿囉漢^六三藐迦三佛陀那^七唵^八迦吒迦吒迦吒迦吒^九翅致翅致翅致迦吒耶^十那莫薩婆多他伽毘馥^{十一}阿囉呵大地耶^{十二}三藐三佛陀婆耶^{十三}蘇婆呵^{十四}爾時拘婁孫佛說是呪已告虛空藏菩薩言善男子是陀羅尼乃至恒河沙等同名拘婁孫佛并及三世諸佛所說讚歎隨喜若人受持是神呪者於未來世末劫之中建立三寶能生正信若比丘比丘尼優婆塞優婆夷於

晨朝時淨潔洗浴著新淨衣辦具種種妙好香華供養於佛誦念是呪一百八遍彼人則能知於七世宿命之事若生天上爲天中尊若在人間得作人主若能如法盡命受持捨壽之時生安樂國若能如是常誦持者於現身中離於一切種種病苦得陀羅尼聞持不忘若欲飲食未入口時先呪七遍然後食之如是則離一切毒病若欲爲他除灾患者呪於淨水一千八遍用澡浴身然後行之若呪惡瘡用赤銅刀子如是等諸事誦呪七遍即

便如意若能常誦持者錢財自然破一切毒一切障礙惡鬼魔邪皆悉遠離若欲得見於佛身者至清淨處若在道場或在塔前牛糞泥地燒沉水香誦於此呪一千八遍頭東向卧夢見諸佛隨心所願無不稱遂彼佛如來即便開示是汝命長是汝命短或有缺少知是等事悉皆示現爾時拘那含牟尼佛住在虛空爲護一切衆生迷荒除一切病斷一切惡諸鬼魅故而說是呪

南無佛陀耶一南無達摩耶二南無僧伽耶
三那莫迦那迦謨那頤^四多他伽多耶^五阿
囉漢^六三藐迦三佛陀耶^七唵八薩囉薩
囉薩囉薩囉九賜囉波耶^十達摩達摩達摩
達摩^{十一}度無度無度摩耶^{十二}那莫迦那無那
頤^{十三}多他伽多耶^{十四}阿囉漢^{十五}三藐迦三
佛陀耶^{十六}悉泥妬漫多囉蓋大^{十七}蘇婆呵^{十八}
爾時拘那含牟尼佛說是呪已告虛空藏善
薩言善男子是陀羅尼若有善男子善女人
常能讀誦受持之者是人永得離於怖畏及

諸怨敵水不能漂火不能燒一切毒藥若俱
食者變成甘美資身益壽無有橫病橫死等
難壽命延長增加官位常爲一切諸佛護念
若有先業諸障起時日三誦之悉得除愈若
欲治他疾病苦者隨所有力辦於飲食及雜
香華若沉水香若薰陸香作淨好湯呪千八
遍洗浴於身爾乃行呪是諸病苦及惡邪鬼
所附著者皆得除愈若治癩病身體腫癰風
冷病等取菖蒲末以白蜜和佛前誦呪一千
八遍空腹服之即便除愈若有四日三二一

日諸瘡病者亦於佛前用牛糞泥塗道場地
取蘇摩那華以用作鬘著於頭上即便遠離
若被厭魅乃至悶絕不覺知者於其耳邊為
誦此呪一百八遍即便除愈若有羊癲及諸
狂病或為迦吒富單那毗舍遮鬼等之所著
者於佛像前以牛糞泥塗地如上燒好妙香
取所供養佛前萎華呪千八遍火中燒之熏
其鼻孔即得除愈如是等一切病中隨其事
用
爾時迦葉佛住在虛空為護一切無量衆生

除一切病斷一切惡諸邪魅故說是神呪
南無佛陀耶一南無達摩耶二南無僧伽耶
三南無迦葉波多伽多那四唵五呵囉呵囉
呵囉呵囉六呵呵呵七南無迦葉波耶八阿
囉漢坻九三藐三佛陀耶十悉著呵妬十一摩
多囉盍陀十二蘇婆呵十三
爾時迦葉佛說是呪已告虛空藏菩薩言善
男子是陀羅尼三十三恒河沙等諸佛所說
汝當受持讀誦修行虛空藏若有善男子善
女人晝夜三時誦是呪者即得現前夢見諸

佛離諸業障唯除宿世決定報耳於一切事
隨意所欲若有癩病及白癩等於佛像前牛
糞泥地燒好妙香取供養佛所有姜華呪千
八遍擣末水和佛前服之即得除愈若有長
病及諸疫疾治法亦然若病頭痛亦用華末
塗其額上女人難產用此華末和油煎之塗
其女根有如是等隨其事用無不蒙益若疥
濕瘡亦用姜華細末酥和火上煎之呪千八
遍塗上即愈若欲止雨亦取姜華呪千八遍
露地燒之令其作煙即時便晴若大風起雷

電震電亦得除止若著瘡病一日二日乃至
四日亦取姜華呪千八遍細擣作末酒和服
之即時除愈著羊癩者呪華如前若燒若服
皆得除愈若被厭魅或毗舍遮諸鬼神等之
所捉持或風冷病月食病等和水服之諸如
是等一切疾病悉於佛前牛糞泥地呪於姜
華一千八遍或燒或服皆悉除愈各受安樂
勿生疑惑應決定信隨心用之
爾時釋迦如來亦在虛空爲護一切無量衆
生除一切病斷一切惡諸邪鬼故說是神呪

四四

十七

南無佛陀耶一南無達摩耶二南無僧伽耶
三南無貫迦牟尼夷^四多他伽多耶^五阿囉
漢^六三藐三佛陀耶^七多地他懼迷懼迷
八摩呵懼迷^九多犁多犁^十摩呵多犁^{十一}柘
犁柘犁^{十二}摩呵柘犁^{十三}大喇大喇^{十四}摩呵大
喇^{十五}帝喇帝喇^{十六}摩呵帝喇^{十七}呵呵翅隸翅
隸^{十八}摩呵翅隸^{十九}諸噓諸噓^{二十}摩呵諸噓^{二十一}
一覓隸覓隸^{二十二}摩呵覓隸^{二十三}帝隸帝隸
^{二十四}摩呵帝隸^{二十五}度迷度迷^{二十六}摩呵度
迷^{二十七}柘犁柘犁^{二十八}摩呵柘犁^{二十九}詰喇

詰喇^{三十}摩呵詰喇^{三十一}折隸折隸^{三十二}摩呵
折隸^{三十三}蘇婆呵^{三十四}
爾時釋迦如來說是呪已告虛空藏菩薩言
虛空藏若善男子善女人受持讀誦是陀羅
尼者一切刀杖所不能加一切水火亦不能
害一切惡病所不能惱終不橫死如前六佛
所說神呪等無有異
爾時虛空藏菩薩摩訶薩白佛言世尊如上
諸佛所說神呪我當護持我今亦說護持一
切無量衆生除一切障斷一切業滅一切罪

消一切殃去一切鬼却一切邪愈一切病以如是故說此神呪

阿他佉羅唎 一
迦伽囉 二
菩提薩埵 三
摩訶

薩埵^四婆伽婆槃多^五迷多大符柘多^六阿

呵摩鐸^七婆伽婆^八喻婆煩塞^九薩鞞衫盞

唎波^十 遲耶南^十 尼婆囉臍^十 薩婆浮休

多三
尼婆囉膩
四十
薩婆嚧伽
五十
尼婆囉膩
六十

哆地夜他^七至^十罽至^十罽^八摩訶^十至^十罽^九妬漏

妬漏^{二十}摩訶妬漏^{二十}
夕和隸夕和隸^{二十}

摩訶夕和隸三十啼聲楚切罽罽啼罽四十摩訶

唏𦵑五二十
蘇婆呵六二十

爾時虛空藏菩薩摩訶薩說是呪已白佛言
世尊如是神呪無量神力不可思議若有善
男子善女人惡鬼所持以諸縷線作於呪索
呪一百八遍帶行坐者是諸惡鬼即便捨離
復更取蘇摩那華好淨牛酥白芥子等和置
一處誦呪一遍一擲火中如是乃至一百八
遍一百八擲即得除愈若有惡人欲來害已
取鑕鐵刀子呪一百八遍斫破惡人所行道
徑便不能害或復呪水散於四方結四方界

止住其中一切諸惡則不能加欲護自身令
無損者以五色縷捺作於繩呪百八遍坐起
帶行若欲除毒手把藥草以呪呪之若為除
病應當呪油一百八遍塗之即愈若患耳者
取青木香細擣作末油內煎之著於耳中若
患腹者呪於薑水一百八遍服之即愈若患
牙齒蟲風齲者取蘇摩那木枝呪一百八遍
以口嚼之并揩牙齒即便除愈小兒患者當
結白縷以為呪索令其帶行若患頭者或用
刀子或用於手呪百八遍即得除愈若被厭

魅當呪刀子以用解之若斷雷電呪石榴枝
以用擬之斷惡毒藥呪水用之諸如是等一
切事中隨意所用於一切處在佛像前泥地
散華燒香如法受持如是諸佛所說此呪經
已虛空藏菩薩并及一切諸大菩薩阿羅漢
等聞佛所說歡喜奉行

如來方便善巧呪經

音釋

軼

都計切

膊

補各切

也

賞

舒制切

齒

去兩切

齒

腐也

永樂北藏

四經同卷

第四六冊